

# MY BIBLE FIRST

PRIMARY YEAR A  
Q 4 #40

## Khantoh Kum le Kiamsuk Kumte

### SUNDAY

**1** Galdona khempeuh ah Israel mite in zo tawn-tung ahih lam mi khempeuh in thei hi. Amaute in a vanglian i Pasian huhna hanga zo ahih lam thei ciat uh hi.

A galte un galdo dingin a kuan ciangun sakol le lengte zang uh hi. Hi banga galdona pen Israel te ading-in galte zawhbaih mahmah hi. Ahih hangin Pasian in tua bang a galdo dingin genlo hi. Sakolte leh galvante hanga galzo a kisak ding uh Pasian in thei hi. Ahih hangin Pasian huhna hang bek tawh a zo uh ahi hi. A gilo Canaan khuapite tawh a kidona uh ah a gal-zawhna uh in Pasian huhna hang bek ahi hi.

Pasian in suksiat dinga a gen a thahat Canaan khuapi tampi om lai tamah leh Israel mite in gam a phut uh kul cih hong thei uh hi. Tua manin tawlkhat a galsim uh hong khawl phot uh hi. A beh zui-in leitang hawm ding ahun hoih pen ahi hi. Leitang a hawm khit ciangun, Pasian vangliatna muanga, amau sep ding a sep uh leh Pasian in tua gam panin a galte hawlkhiat sak mang ding hi.

A beh zui-a ten nading uh Pasian in a gen ma in, tua ma kum tampi lai-a Moses in mikhat tungah a kamciamna thu Joshua ki phawkkiksak hi. Tua pen a hangsan thukansim Caleb tunga kamciam hi. Amah le Joshua in tu ma kum 45 lai-in Canaan gam thu a hoih in puak uh hi. Tu in amah leh Joshua in Israel-te lak ah a haampente hita hi. Canaan gam leitang luah ding Moses kamciam Caleb tungah tangtun hun hita hi.

Caleb in bang ngen cih na thei hiam? Thukansim a dang sawmte in kizo ngeike'n teh a cihna mun leitang




### KAMNGAH

Na nasep ding peuhpeuh uh tuni in teel un ... kei leh ka innkuanpihte in Topa' na ka sem ding uh hi. Joshua 24:15

**Choose for yourselves this day whom you will serve.... As for me and my house, we will serve the Lord. Joshua 24:15**

ngen hi. Tua mun ah migolpите teengin, a khuapi uh zong kip mahmah hi. Tua bang khuapi a lakna tawh a khangno lai Israel galkapte in zong a galte uh baih tak-in hawlkhia zo lua ding cih Caleb in lakkhia hi. Amaute kisap in a vanglian i Pasian muan ding bek a phawk ding uh ahi hi. **Joshua 14:10-14.**

 **NGAIHSUN-IN:** *Tuni in zong Pasian a vanglian hiam? A khangham khin Pasian tung a citak mahmah mi na theih a om leh Pasian in amaute a panpih nate banghang in dong lo ding nahiam?*

### MONDAY

**2** Tu in Biakbuk koi ah om hiam? Levi mite koi ah teeng uh hiam? Buk nading khuapi a om kul hi, ci-in Moses in gen hi. Tu ate bang ding hiam?


Israel mite in Jordan gun a kantan khit uh giah-phual masa penpen mun Gilgal ah Biakbuk na om hi. Tu in ahih leh Canaan gam laizang tawh a kinai penpen Shiloh a kicihna mun ah kituah ta hi. Tua mun

ah gal om loin, mite lungmuang tak in Pasian a biak theih nading uh mun muanhuaipen ahi hi.

Levi mite ahih leh beh dangteng lak ah teeng uh a, amaute in biakbuk nasep sem lai uh hi. Amaute in khuapi bangzah nei uh hiam? **Joshua 21:41.**

Levi mite tenna khuapi gukte in bukna khuapi kici hi. **Gamlakvakna 35:6.** Jordan gun lang tuak ah khuapi thum tuak om hi. Khuapi dangte panin ni khat thu a ki tun theihna mun ah tua bukna ding khuapite kilam hi. Tuatue bang ding hiam? **Joshua 20:9.**

Tua bukna ding khuapite mipite tungah kigen hi. A mawhbaang lo mite a galte kiang pan a tai theih nading mun khat om ahih lam amaute in thei uh hi.

 **NGAIHSUN-IN:** *Bukna khuapite in Pasian pen a gilo Satan kiang pan eite bukna cih hong phawksak hi. Satan kiang pan leh a lipkhap-huai nih veina sihna pan suakta in, hun sim-in Pasian kiang i zuan thei hi. Late 9:9 leh 121:7, 8 sim in.*

## TUESDAY

**3** Tu in Joshua kum 100 val khin hi. A nasep khawl ta himah leh Israel tate adingin a lunghi mawh mahmah hi. Israel mi tampite in Pasian thu a man ding zah-un manglo ahihna thei hi. Pasian in hih a gilo Canaan mite a suksiat cip ding huh ding kamciam pia napi, amaute in paulap zong in hih migilte a susia kei uh hi. Israel mite a tam zawte in hih Canaan mite a lawmbawl zawsop uh hi. Pawlkhat te in a simtham in milim a bia sim uh hi. Joshua a lunghi-mawh mah ding hi! Amah in a mite it mahmah a, Pasian in amaute it zaw lai ahih lam zong thei hi.

Joshua in Egypt panin a pai khiat uh kum tampite ngaihsunkik hi. Tua hun sunga a piang thu tampite phawkkik hi. Mite in Pasian a muan tawntung ding uh haksa a sakzia, baihno takin Pasian a mangngilh theih ziauh dante, leh Pasian in koi bangin lungduai takin amaute tawh omkhawm hiam, cih thute ngaihsun hi.


A sih khit ciangin mipite in bang hih ding cih pen Joshua lungchimawh hi. Makaite leh mipite khatvei kai-khawmkik in thugen ding kisam sa hi. **Joshua 23:2, 3.**

Pasian in Abraham a inn nusia a a sapkhiatna pan in Joshua in a thugen hong pan hi. Isaac le Jacob thu zong gen hi. Nikhat ni ciangin amaute suan-le-khakte in hih Canaan leitang luah ding ci a Pasian kamciam pen tun tua a kamciam Pasian in tangtungsak taktak a hihna



Joshua in a mite phawkkik dingin genkhia hi.

Mite in Pasian thu man ding a teel ding uh mangngilh baih a hihna leh, tua bangin a zopsuak vua leh bang piang ding cih zong phawksakkik hi. Mipite in bang gen hiam? **Joshua 24:16, 20-24.**

 **NGAIHSUN-IN:** *A boih in om ning ci-in na kamciam ngei hiam? Kamciam piakziau pen baih hilo hiam? Ahih hangin kua bek in i kamciamte i tangtun theih nadingin hong huh thei hiam? Nisim in eite hong huh ding Amah (Pasian) kiang i nget ding a kisam hiam?*

## WEDNESDAY

**4** Mite tawh a kikaihkhop khit ciangun mipi khempeuh ciahtek uh a, Joshua zong a ciah hi. A nasep hoih tak a zo hiam? **Joshua 11:15.**

Joshua a sih in kum 110 pha hi. Mite in a it mahmah uh a citak makai nei non lo uh hi. A makaite uh nuntak sung tawntung mite in bang hih uh hiam? **Joshua 24:31.** Joshua tawh a kimuh tawpna vuah mipi te in bang kamciam pia cih na thei lai hiam? **Aneu 24.**

Mite in a kamciam bangun a zui uh hiam? Pasian in Ama kamciam bangin a tangtungsak hiam? **Thukhente 1:19** sim in.

**Aneu 19** na a laizang ah bang kammal na gen hiam? Na phawk kha hiam? “ahih hang” cih ahi hi. Pasian gen thute mang zolo cih pen a maan (dik) mah hiam? Amaute in sakolte leh galdo na vante a lauloh ding uh lak khin zo hi. Amah in amaute huhpa ahi hi. Ahi zongin amaute in Pasian ading a piang theilo omlo ahih lam mangngilh khin uh hi. Amah in vanglian hi. Amaute in Pasian thu mangloin a muanlah laisiah uh galte zo ngeilo ding uh hi.

Tawmtawm in, Israel mite a ngeina lui ah nung tolt semsem uh hi. Mawhna tawh kidim Canaan mite tawh nasep khop loh ding Pasian in a gensa ahi hi. Ahih hangin amaute in semkhawm uh hi. Amaute in pasian dangte biakloh ding kamciam khin uh hi. Ahih hangin amaute in pasian dangte bia uh hi. Amaute in a sep pawlkhat te sim in. **Thukhente 1:32; 2:11-13.**





Mi gilo Pasian galte hangsan semsem uh a, Pasian le Israel mite hong kihta nonlo uh hi. Israel mite ahih leh lungmuanna leh lungdam nading sangin hamsatna hong tam semsem hi. Kua khialhna hi ding hiam, Pasian maw, Israel mite?



**NGAIHSUN-IN:** *Na nu-le-pate in “Kidawn in, thu na man kei leh a thaman in hong nungzuih ding hi,” hong ci ngei kha ding hi. Thu na man loh ciangin a thaman in hong nungzuih takpi hiam?*

## THURSDAY

**5** Lai Siangtho sungah Joshua laibu khit ciang bang laibu hiam? Bang hangin tua laibu pen tua min kipia in na um hiam? Thukhente kuate hiam?

Joshua leh upate a sih khith ciangin, mite in Pasian it-in, muangin, a Thupiak Sawmte zuih a kamciamte mangngilh uh hi. Pasian in Canaan a migilo te tawh teengkawm lo, ki lawmta lo dingin gen hi. Amaute in a mang uh hiam? **Thukhente 3:5-7.**

A sawtlo in mi khempueh phial in Satan nungzuih uh hi. Tua ciangin Pasian in a gensa mah bangin gimnate hong tung hi. Ahi zongin Pasian a lungduai lai hi.

A mite kisik in Pasian kiangah a thum ciangin Pasian in maisak hi. It takpi ahih manin, amau a huh dingin a hangsan makai khat pia hi. Amin pen Othniel hi a, amah pen thukhen kici hi. Mite in lauhna om lo, lungmuang takin a om theih kik manun bangzah in lugdam huai hiam? **Aneu 9, 10.**

Ahi zongin Othniel a sih ciangin bang piang hiam? Thu manloh ding a teel manun a thuak ding uh Pasian gensate Israel mite in a phawklai uh hiam? **Aneu 12.**

Joshua a sih khith ciangin Israel mite in thukhen ding kisam pahpah uh hi. Kum 300 val sung bang Israel te in gamtat hoihlo lam teel khial den keei uh hi.

Thukhenpa a sih khith ciangin thuman loh kipan pah uh hi. A lipkhap-huai thaman in nungzuih pah hi. Pasian kiangah kisikkik in hong thumkik uh teh Pasian in hehpih in, thukhen dangkhat sawl leuleu hi. Tawm-vei sung a gam uh hong nuam zel hi. Tua thukhen-mangpa a sihkhit ciangin thuman loh kipan zel uh hi.



**NGAIHSUN-IN:** *Naupang pawlkhat thumang loin a liam uh ciangin kap uh hi. Tua ciangin kisikkik uh-a, a nu kiangah huh nengin, hong taai uh hi.*



Deborah was a prophetess who judged Israel. (Judges 4)



*A nu in a natna bawlsak-in a lung-nuamkik uh hi. Ahi zongin tua dan pen khatvei bek a hiam? Nu-le-pate' a lungduai manin na nuam hiam? Pasian zong Israel mite hun lai bangin tu in ei tungah a lungduai hi.*

## FRIDAY

**6** Joshua sihkhit ciangin, Israel te a huh thukhen tampi a om hi. Khat vevei ciangin kua mah in Pasian um nonlo tawh kibang hi. Ahih hangin a piang thu te hangin adah mi tampi zong na om hi.

Tu in zong tua bang mah ahi hi. Pasian Thupiak Sawmte sin in zuih ding a teel mi tampi omlai in Pasian huhna tawh amaute in zui uh hi.

Pasian in sepluh dinga hong gente Christian dange in a sep teitei lam uh tua mite in a muh uh ciangin dah mahmah uh hi. Khat vevei ciangin tua dan a sem mite in Thupiak Sawmte thu thei lo uh hi. Pawlkhatte in a theihsam uh hangin a thupi mahmah-in ngaihsun kha lo uh hi.

Pasian longal, mite lungsim tawnga ngaihsutna a thei a om hiam? Omlo hi. A thei dingin i ki-ngaihsut pen maanlo hi. A maan lo cih i theih gige mite' gamtatna uh hangin i dah thei hi, ahih hangin amau lungsim i thei kei hi. Pasian bek in a thei hi.

Tua hileh bang hih ding i hiam? I hih ding khat in, midangte i gamtatna a maan lote, kuakua ahi phial zongin, zuihpih loh ding ahi hi. **Paikhiatna 23;2,** a masa lamteng sim in.

Eite in i phawk tawntung ding khat ah, Jesu tawh i kibat semsem nanging hong kheel thei Pasian kiangah thu i nget ding ahi hi. Ei ading i nget mah bangin midangte ading zong i ngetsak ding hi. Mite ading a etteh takcing i hih kul hi. Mite in thumaan a teel theih nading, amau tungah thu i gente sangin i gamtatnate in tampi vei huzap nei zaw hi.

Thukhente a tam zaw pen etteh takcing uh a, Pasian in amau tungtawn in Israel mite kiangah mawhna aneu tawh a kibat hangin, Satan in tuate zangin mite a suksiat sawm lam a lak hi.

**FURTHER STUDY:** Joshua 13–24; Judges 1–5; *Patriarchs and Prophets*, pp. 510–545; *The Story of Redemption*, pp. 181, 182; *The Bible Story*, vol. 3, pp. 102–113.



## THE STORY CORNER

# Pipi Jessica in Koici Teel - Khen 1

Adapted by Amy Sherrard

**K**um tampi khith ciangin, Pipi Jessica in a sanggamte' tanu thumte leh amau innkuanpih-te kiang hawh dingin hong pai hi. Tua tak-ah a tute vive numei sagih (a pate uh unau) na om mawk hi, bangzah in lawp huai hiam! Amaute in a pi uh thei mahmah a kisak hangun, mu ngei nailo uh hi.

A pi uh hau mahmah cih a uh hi. Amau suah nite leh Lung-ambawl hun ciangin lai leh letsong a khak dette hoihsa thei mahmah uh hi. Tu in a tawpna ah, a pi' mel a mu taktak ding hita uh hi.

A pi uh Jessica in a laikhakna ah, "Summerfield inn ah kimu ni, meileng omna tawh kinai hi. Sawt om theilo ding ka hih manin na vek un nitak lam 4:30 in na om un. Ka sanggamte i tanu thumte ka mu nuam a, tuate i tanu sagihteng lak panin khaal sunga California ka zinna ah hong zui ding khat ka teel ding hi," ci hi.

Sang tuak khith ciangin Summerfield inn a pai ding mawtaw bus a mat ding uh nak lawp mahmah uh hi. A pi Jessica in zekai a deihi loh lam thei uh a, a nute un a tanute kiangah sangtuak phet in, zekai lo-a a pusuak khat pah nangun hihkhoh hi.


Mawtaw a ngak kawm un, numeite kiho uh a, a pi Jessica tawh California ah kua apai kha ding hiam cih a kiho uh hi.

Sally Bronson in, "Kei a gol pen ka hih manin, amah tawh ka pai ding kilawm hi" ci hi.

Jessica Summerfield in nui kawmsa in, "Ahih hangin i nu in kei pen i pi tawh kisunpen hong ci hiven, kei hong kiteel lo dia?" ci-in gen hi.

Tua leh Sally' sanggamnu Loretta in, "Oh, kei hong teel inteh; kei pen a u pen lah hilo, amah tawh kisun lo, ama min a tap lah hilo ka hih teh" ci leuleu hi.

A tun khith teh lai khak ding in a gen teh a vek un a nui uh hi.



Bess simloh, numei dangteng in California paina ah banghang in amau kiteel ding hiam cih thu ngaih-sun uh hi.

Myra Summerfield in, "Bess, Nang e? Pipi Jessica in nang hong teel lo ding maw?" ci-in a dong hi.

Bess in mawtaw khawl na a pai kawm un a nung lam a en zel hi. "Poi tak ei. Na kihonate uh za kha kei ing. Ken hua piteek a puan vom pian khat en hiveng aw. Na mu uh hia? A lukhu ah vasa mul khat om pen? Banghiam khat lau ahih-keh a lunghimawh khat om tawh kibang," a ci hi.

A sanggamte khat ahi Ann in, "Bess aw hong pai o! Tua piteek bangmah ci ken teh. Midang khat a ngak hi-in teh. I nute'n zekai leng deihi ke'n teh, hong pai o," ci-in a gen ciangin Bess in, "phamawh kei. Ken ka huh thei hiam va en ning. Noteng na pai unla, zong kong phakik namel, ahihkeh mawtaw bus akikpen khat tawh hong delh ning," ci-in adawng hi.

Ann in a lu peisan in a dangteng tawh a pai hi. "Amah bel tuamdeuh ei. Kisel hang zong bangmah kilamang kei," ci-in a sanggam dangte kiang a gen ciangin a thukim tek uh hi.

(Zop lai ding)



**Additional resources:** nature lessons, activities, music, Bible lessons, Scripture memory, and more.

**My Bible First** Copyright © 2015

**Phone:** 1-877-242-5317

**Web:** [www.mybiblefirst.org](http://www.mybiblefirst.org) • **E-mail:** [sales@mybiblefirst.org](mailto:sales@mybiblefirst.org)

*Unless otherwise noted, Scripture quotations are from the NKJV.*